

20215. n^o.2
ADVIS AVX
TROIS ESTATS
DE CE ROYAVME,

*Sur les bruits qui courent à présent
de la Guerre Civile.*

Iouste la coppie Imprimee à Paris par
PIERRE CHEVALIER.

I 6 I 4.

177

ROYAL-ACADEMIE

DE CELESTES MATH.

PAR M. DE LA PIERRE

MEMBRE ORDINAIRE

DE L'ACADEMIE ROYALE DES SCIENCES

DE PARIS, LE 15 JANVIER 1771

PAR M. DE LA PIERRE

1771

*Auis aux trois Estats de ce Royaume, sur
les bruits qui courent à present
de la Guerre Civile.*

Messieurs, il court maintenant vn bruit que Monseigneur le Prince de Condé mal satisfait de la Cour pour des causes secrètes, en est party, & s'est associé avec d'autres Princes & Seigneurs de ce Royaume, & tous ensemble se sont depuis peu de iours assemblez à Soissons, d'ou l'on publie par tout (ie ne veux pas asseurer que ce soit de leur part) car ie les cognois trestous, ayant trop leur honneur pour se forger legerement des mescontentemens & se d'esvnir en ceste saison, qu'ils demandent entre autres choses la destitution de quelques Officiers, la recherche des financiers, le soulagement du public, & vn meilleur ordre au maniment des finances & autres affaires du Roy, c'est vn pretexte digne de donner des ombrages, & auquel vn chacun de nous deuroit ouurir l'oreille & prester son consentemēt, puis que l'on dit, qu'un premier Prince du sang recherche que nous luy ayons cette obligation qu'il y veut interesser & mesmes (comme il est tres-certain) que nostre necessité ne peut quasi plus endurer de delay. La

France qui a iadis esté pour sa legitime liberté le miroüer des autres nations, est maintenant par vne diuine punition moleste de toutes sortes de subjections : Mais quelle imprudence seroit ce de s'embarquer dans les mauuais vaisseaux durât que le temps se prepare à l'orage & à la tempeste ? & quel moyen de bien esperer de telles entreprises ? puis que le Roy & la Roynne Regente qui sont nos pillotes ne le trouuent pas bon, & en ont fait vne despeche à Messieurs les gouuerneurs des Prouinces, que ie vous ay icy mise affin que vous y faictes consideration,

Ce 14. Feburier, 1614.

Au Clergé.

PRemierement, Messieurs les Ecclesiastiques, prenez garde à ceste despeche il n'y a pas vn de vous qui ne sçache de point en point les articles de la derniere Ligue pour ne vous parler de plus loing, qui fust faite par plusieurs Princes & au deceu du Roy à Perōne en l'annee 1584. lesquels estoïent si specieux, plausibles, & fauorablement receus & embrassez de tout le monde, qu'il sembloit (principalement à ceux de vostre ordre) que l'Angede Dieu deuoit promptement exterminer celuy

celuy qui contrediroit à leur progres. Qu'en est il arriué apres quatorze ans de guerre barbare & intestine & sans intermission, quelque prudence & despence que les Papes le Consiſtoire, la pluspart des Princes de l'Europe, & presque vn chacun de vous autres y ayez apporté, rien comme vous sçauiez, que l'aduan cement de l'heresie, la demolition des Temples, plusieurs communautéz priuees du ser uice Diuin, le chastiment honteux de quel ques Religieux, la mort precipitee des princi paux chefs & autheur d'icelle, la pauureté de tout le Clergé de France par la vente de vo stre temporel, & vne telle confusion en l'ad ministracion de vos affaires par les Economes spirituels & temporels, pour les Titulaires ab sents, que les procéz en durent encores au grand Conseil, & ailleurs. C'est par miracle que ces malheurs sont passez & ont esté abo lis, non sans estonnement par la generosité du feu Roy d'heureuse memoire, qui a redressé les Autels, & remis la Messe en vne douzaine des plus fortes villes de Frâce pour le moins, ou il y auoit trente ans & plus qu'elle en estoit ostee, vous mesmes auez esté remis en vos Be nefices & maisons d'où le Canon vous auoit chasséz, tous ces desordres estoient deriuez de ladite Ligue, source fatale de nos maux, qui

rendoit la France si debile, que si sa Majesté eust tāt soit peu flechy aux efforts qui luy ont esté faits à son aduenement à la Couronne, nous estions à present estrangers dans nostre patrie, mais sadite Majesté bien assistee du S. Esprit, & bien seruie de ses bōs seruiteurs, traita avec ses suiets desuoyez de son obeissance, & avec les estrangers és annees 1596. & 98. à la conseruation duquel traité il vous a singulieremēt obligez pour les raisons cy dessus, & pour vous y auoir compris autant favorablement que vous auez peu desirer, tāt pour vostre soulagement, que pour la cōtinuation de vos autoritez & franchises. Or Messieurs en recompense des peines de ce grand Prince, il vous a laissé ce precieux tresor de la Paix, qu'il a acquise avec son propre sang eu particulier depost, afin d'ayder de vostre part, cōme premiers membres de ceste Monarchie Françoisse, à la conseruer soigneusement, faites y donc vostre deuoir par vos pietez & bonnes instructions, en prenant le bas aage du Roy, pour vn tref-ample subiet d'exercer vostre fidelité, & rendant au fils l'amour que vous deuiez au Pere, rendez aussi à vostre pays, ce que vous luy deuez, imitant en zele & prudēce vos deuanciers, afin qu'à vostre imitation vn chacun se puisse ranger à son deuoir.

A la Noblesse.

MESSIEURS de la Noblesse, honorez
 les Princes à cause de leur qualité, qui
 est la plus apparente qui soit parmy les hom-
 mes, & si vous auez l'honneur d'estre bien au-
 pres d'eux, ne vous en retirez iamais : Si vous
 ne cognoissez clairement qu'ils vueille faillir
 & decliner à leur deuoir enuers le Roy leur
 souuerain Seigneur & le vostre : car en ce cas
 la necessité de l'Estat vous dispence de vostre
 foy, Vous Messieurs qui estes le nerf de cet
 Estat, sa force & son bouclier, Vous estes vous
 bien trouuez durât ladite Ligue, d'auoir cou-
 ru toute la France avec vos armes sur le dos &
 en la Cōpagnie des estrangers pour le soustien
 de quelques vns desdits Princes & pour leur
 seruice particulier, oubliant imprudemment
 celuy que vous deuiez à vostre Roy & à ceste
 Couronne, vostre hōneur en est-il acreu? vous
 ou vos Enfans vous estes vous esleuez aux
 premiers grades de l'Estat? vos noms en sont
 ils plus illustres? vos biens sont ils augmentez,
 vos debtes sont elles aquitez? n'aez vous pas
 plustost empiré qu'amendé vostre condition?
 Ceste derniere Paix cōclue à Veruins au mois
 de May 1598. ne vous a elle pas fait repétir du
 passé & cognoistre notoiremēt qu'il n'y a que
 blasme,

blasme, reproche, apprehension, & infamies
 pour les rebelles & factieux, cela vous a aussi
 appris par experiēce qu'il n'y a infortune plus
 extreme & que l'on doyue plus redouter que
 celle qui separe & esloigne les enfā de l'obeis-
 sance du pere, & la Noblesse de celle de son
 Roy, Quād cela arriue, la Iustice Diuine per-
 met que les vengeance s'exercēt sans excep-
 tion d'aage de parenté, ny de qualité, par in-
 humains assassins, dont vne partie des prin-
 cipales races de vostre corps est esteinte, sur-
 prises, sieges, demolitions, & bruslement de
 maisons, rauissement, & violement de filles &
 femmes, pillage de vos biēs, les campagnes de-
 laisrees en deserts & rougies de vostre sang,
 la famine publique dōt la memoire nous est si
 fresche & presente, que si vous cognoissiez
 bien ce que vous estes & ce que vous pouuez,
 prenāt garde au passé & au present il n'y a per-
 suasion, pretexte ou ambition de qui qui viue,
 qui vous puissent iamais tromper ny faire ou-
 blier que la plus meschante condition des hu-
 mains est d'auoir des disputes domestiques, &
 anatheme qui les suscitera. Ces Princes que
 vous auez tant ayez, que vous auez suyuis
 & couru si longuement leur fortune, ne vous
 ont ils pas abandonnez en faisant leur accord
 avec le Roy, horsmis les abolitions qu'ils ont
 fait

fait obtenir à quelques vns , ont-ils eu autre
soin de subuenir à tant de ruynes que vous
auez souffertes en vos maisons par quelques
honestes gratifications, Lors que vous auez eu
affaire d'eux pour appaiser vos querelles dont
vous n'estes que trop fournis ou pour vos pro-
cez ciuils ou criminels, ou quelques autres oc-
casions, ne vous ont ils pas delaissez ou froide-
ment assistez, si vous auez quelquefois recer-
ché leur appuy aupres du Roy pour quelque
Gouuernement, Capitainerie, Lieutenâce ou
autres biens-faits , n'avez-vous pas esté plus
cōtent de l'accueil que sa Majesté vous a fait,
de sa franchise & liberté de parler à vous , de
sa felicité à oſtroyer vos demandes, que vous
n'avez esté satisfaits d'eux qui ne vous presen-
toyent que par maniere d'acquit: en fin Mes-
sieurs tel suport & amitié que vous auez eu cy
deuant desdits Princes, vous ne les deuez pas
esperer autres à l'aduenir, Pourueu qu'ils cō-
tentent leurs passions , & qu'ils cherchent par
vostre assistance leur fortune, ils n'ont aucun
soing de ce qu'il pourra arriuer en vostre par-
ticulier, ils vous caressent s'ils ont a vous em-
ployer , & si vous les priez ils vous mescon-
noissent , ils n'ont point d'Ange pour ouu-
rir les portes lors que vous estes prisonniers pou-
l'amour d'eux , ils mettent vos testes sur v

eschaffault pour garentir les leur. Vn Mare-
chal de France grand Capitaine s'il en fut ia-
mais y a mis depuis peu la sienne, pippé par
des estrangers; que le Roy face cōfisque vos
fiefs, ils ne vous bailleront pas de leur bien en
recompense du vostre perdu, vn premier Pre-
sident d'une Cour Souueraine est presque re-
duit à l'aumosne, lequel fait moins de pitié à
ceux qui sont cause de sa pauureté qu'aux au-
tres, outre ce que dessus, representez vous
Messieurs que le Roy est mineur, qu'il na que
treize ans tantost accōplis, que vous estes ses
Tuteurs & conseruateurs naturels, & partant
que vostre seruice ne luy doit iamais māquer,
tant en ceste consideration que pour l'estroite
obligation qu'un chacun de vous doit auoir
à la memoire de ce grād Capitaine le feu Roy
son Pere, qui par sa vertu & courage incōpa-
rable a fait acquerir à la plus part de vous au-
tres, les armes à la main en pleine campagne,
à la veuë de Paris & ailleurs contre les rebelles
& estrangers, l'honneur d'auoir esté le salut de
vostre pays, soyez le encores maintenant selon
les occurrences, de peur que ce los ne perisse.
Au reste puis qu'en nos actions priuees, nous
ne voulons point de commandement expres
n'y particulier de personne en tout ce que
nous voyons pour nous de l'vtilité & du pro-
fit

fit, estant en cela maistres de nostre conduite, faites en de mesme, tesmoignés vostre generosité sans attendre des prieres ou des remonstrances du Roy, & vous gardés sur tout que quelque pretexte qu'on pourroit aduancer ne vous separe ou desbauche de vostre deuoir, voyez soigneusement la lettre que la Royne regéte vous escrit, & fuyés toutes autres recherches, comme escueils tres-perilleux, Je sçay cōme vous, que nous auōs à nous plaindre de ce que la vertu, l'experience, les seruices & mesme la fidelité sōt sans estime & mal recompensez à cause de la venalité & cōmerce de toutes les charges de ce Royaume, qui est vn mesnage ou auarice que les guerres passees de la Ligue, du bien public, & de la reformation, en la conduite des affaires nous ont vallu, & en sçauiez tres-bien la cause, toutes-fois procedons en nos plaintes cōme nos predecesseurs nous ont appris, presentons nous avec de tres hūbles Requestes, lors que nous aurons l'honneur d'estre conuoquez, comme la Majesté Regente nous en a fait l'ouuerture par sadite lettre, & nous asseurons qu'elles seront volontiers veuës & cōsenties par le Roy, sadite Majesté Regente, & Nosseigneurs du Conseil, pourueu qu'elles soyent modestes & raisonnables : Ce n'est pas à nous à constituer

une reformation ou vn soulagement, mais à le
requerir & desirer, & suyuant ce chemin nous
ne pourrons iamais nous fouruoyer.

An Peuple.

Peupe, ie vous diray que l'obligation que
i'ay à leurs Majestez pour leurs gratifica-
tions, ne m'a fait ny au Clergé, ny à la Nobles-
se, ny à vous autres, escrire toutes les prece-
dentes & subsequentes considerations : Car
pour ma fortune:

Collatus sum in obscuris sicut mortui seculi:

Ains comme subiect tres humble de leurs
Majestez, Inthimement affectionné à ma pa-
trie, & apprehendant que nous ne soyons a
l'aduenir, comme nous auons iadis esté la ri-
see & la pitié de tous nos voisins, & mesmes
des Barbares, m'ont induit a contribuer à la
continuation de la paix, ce qu'un bon & natu-
rel François y doit: Vous escoutez attenti-
uement tout ce qui se dit des affaires d'aujour-
d'huy, & apprehendez grandement les allar-
mes que l'on vous en donne, ie vous assure
que c'est avec raison, & vous aduise que vous
estes les plus interessez, & si vous ne trauail-
lez à bon escient à esteindre ce feu tandis qu'il
s'allu

s'allume ou qu'il se couue, vous en ferez les premiers embrasez, & seruirez s'il croist d'auantage comme vous auez autresfois fait, de matiere pour le faire durer : Iugez tous les inconueniens qui en peuuent arriuer, & vous asseurez que comme peuple vous ferez aux champs & dans les Villes la butte ou se frapperont les coups de collere & d'insolence, de l'amy & de l'ennemy, du François & de l'Estranger, souuenez vous que le mespris que vous auez fait par le passé de l'autorité Royale, le respect & la creance que vous auez eue aux chefs de party qui vous auoyent fermé les yeux, & subornez par leurs blandices & pretexte de Religion ou de bien publicq, & nous auoyent prodigieusement diuisez, ont fourny d'argument à toutes les Tragedies qui se sont passees en France & à nostre veüe, dõt il vous est demeuré comme aux autres par leur longueur & vostre opiniatreté des playes tres-mal aysees à guerir, ausquelles il y a neantmoins quelque amandement par les salutaires remedes qui y ont esté appliquez par le feu Roy tres-excellent Medecin, d'auoir comme il a fait, sauué la vie à nostre pais, & recouuert comme grand Capitaine cette Monarchie perduë, lesquels continueront si Dieu plaist par sa Majesté, si seulement vous demeurez

constamment ses fidelles subjets & seruiteurs:
 & pour vous y astringre tousiours d'auanta-
 ge, representez vous deuant les yeux vos mi-
 seres passees, les labeurs infinis, les perils, &
 la clemence de HENRY IIII. duquel l'on
 peut dire,

*Quæris Henrico parem
 Nemo est nisi ipse.*

Et que LOVYs son Fils n'a fait nul desplai-
 sir à aucun de vous autres, & lequel pour no-
 stre bon heur aproche de l'aage qu'il pourra
 faire du bien à tout le monde, & se faire crain-
 dre, & punir les seditieux: Ce faisant vous
 quitterez bien tost les armes que vous auez à
 la main qui ne vous font que desbaucher de
 vostre travail & aduorterez les desseins qu'on
 pourroit former sur vostre facilité & incon-
 stance accoustumee, il c'est offert des occa-
 sions d'alterer la paix depuis la deplorable
 mort de ce grand Prince HENRY IIII. que
 Dieu absolve: si la Royne Regente ne si fust
 courageusement & sagement opposee: ius-
 ques à present nous en sommes en possession
 par son soing & vigilance, ne soyez pas de vo-
 stre part si inconsiderez d'en perdre la jouis-
 sance, & tous ensemble renonçans à toutes

mauuaifes pratiques rendons nous capables
du repos ou nous ſemmes, acquis par tant de
ſang. Premièrement par nos bonnes prieres
enuers Dieu, à fin qu'il conſerue le Roy, du-
quel par moyens humains deppend le ſalut de
nous tous, par correction de noſtre vie, & puis
apres par vne obeïſſance & fidelité exemplai-
re enuers leurs Majeſtez, à fin que ce florissant
Royaume ne ſe deſchire ou diſſipe de noſtre
temps, & que nous ne ſoyons point accuſez
par noſtre poſterité, d'auoir eſté miniſtres ou
adherans à de ſi pitoyables effets, qui peuuēt
arriuer d'un renouuellement de trouble, ou
trop negligens, comme nous pourrions re-
procher à nos peres de n'en auoir pas ſçeu ar-
racher les racines des le commencement. Cō-
me vous voyez il ny eut iamais regence plus
exempte de guerre & moins garnie de teneurs
de chemins pour empescher le commerce, &
d'aller & venir ſeurement que ceſte cy, ay-
dons treſtous de cœur & d'entiere affection à
ſa Majeſté regente, de continuer de bien en
mieux : elle vous eſcrit la lettre ſuyuante à
laquelle vous vous arreſterez ſans chercher au-
tre party.

Aux

Aux Officiers de la Couronne.

Vous Nosseigneurs les Officiers de la Couronne & de la Iustice, qui estes l'œil, la bouche & la main de nostre Prince, & le puiot de l'Estat, donnez de bons Conseils à sa Maiesté sur toutes les occurrences qui se presenteront, gardez bien de deffaillir à vous mesmes, faites exactement obseruer les Loix & Ordonnances de cette Monarchie, & chastiez par les mesmes Loix tous ceux qui y contreuendront, sans exception n'y acception: car ordinairement la punition de quelques peruers & meschans, asseurent les gens de bien, & vrais Francois, & donnent terreur aux autres.